

17. februar 2023

Ref.

J.nr.

**Tusarniaanermik allakkiaq – Aningaasarsianik malunnarunnaarsaasarneq pillugu inatsimmik allannguineq pillugu inatsimmi § 1-imik, aningaasalersuineramik ingerlataqarneq pillugu inatsimmik aamma inatsisinik assigiinngitsunik allanik (peqquserlulluni aningaasalersuineranut suliniutinik sukaterineq aamma aningaasarsianik malunnarunnaarsaasarneq pillugu malittarisassiat sisamaannik aamma tallimaannik naammassinnineq) Kalaallit Nunaannut atuutilersitsineq pillugu peqqussut**

**FINANSTILSYNET**  
Strandgade 29  
1401 København K

Tlf. 33 55 82 82  
CVR-nr. 10 59 81 84  
finansstilsynet@ftnet.dk  
www.finanstilsynet.dk

**ERHVERVSMINISTERIET**

## **1. Aallaqqaasiut**

Aningaasarsianik malunnarunnaarsaasarneq pillugu inatsimmik allannguineq pillugu inatsimmi nr. 1563, 27. december 2019-imeersumi § 1-imik kingusinnerpaamik peqqussutikkut nr. 2627, 29. december 2021-meersukkut allanngortinneqartumik, kunngip peqqussutaatigut nr. 956, 17. maj 2021-meersukkut Kalaallit Nunaannut atuutilersinneqartumik, aningaasarsianik malunnarunnaarsaasarneq pillugu inatsimmik nutarsaanissaq, peqqussummik siunertaavoq.

Peqqussummut missingiut tusarniaatigisassatut Finanstilsyn-imit nasiusuunneqareerpoq.

Oqartussaasunit, kattuffinnit il.il., arfineq marluusunit tusarniaanermut akissutinik Finanstilsyn-i tigusaqarsimavoq. Tamakkunanit Nunanut Allanut, Inu-

ussutissarsiornermut Niuernermullu Naalakkersuisoqarfik, Transparency International Greenland, Bank Nordik-i aamma Justitsministeria missingiummut oqaaseqaateqarsimapput.

Tusarniaanermut akissutit oqaaseqaatitaallu ilanngunneqarput.

Oqaaseqaatit peqataasunit tusakkat, ataani misissorneqarlutillu oqaaseqarfigineqarput.

## **2. Tusarniaanermut akissutinut oqaaseqaatit**

Nunanut Allanut, Inuussutissarsiornermut Niuernermullu Naalakkersuisoqarfimmiit siunnersuutigineqartumi § 78, imm. 2-mi (peqqusummut missingiummi § 1, nr. 22), "Aningaasaqarnikkut Nunarsuarlu tamakkerlugu Peqquserluttuliortoqarsimatillugu (Søik) Naalagaaffiup Eqqartuussisuunera", "Kalaallit Nunaannut aningaasarsianik malunnarunnaarsaasarneq pillugu allattoqarfik"-nngortillugu eqqortumik allanngortittariaqannginnersoq paaserusunneqarpoq.

Tamatuma saniatigut trust-it aamma inatsisitigut aaqqissuussat assingusut pillugit kapitali 10 a-mi aalajangersakkat arlallit, piginnittuut pillugit nalunaaruteqartarnissamik nalunaarummut atassuteqartutut isigineqartariaqartutut naatsorsuutigineqartoq Naalakkersuisoqarfimmiit allaatigineqarpoq.

Aammattaaq Naalakkersuisoqarfimmit peqqussummi § 1, nr. 7, 18, 19 aamma 22-mut innersuussisoqarpoq, ilaatigut iliuutsinut pillaatissiissutaasinnaasunut, inatsisitigut pillaatissiinernik pineqaatissiissutinik naammassinnitarnermut aamma pillaanermut inatsimmi § 152-miit 152 e-mut innersuussisoqarluni, eqqortumik allanngortittariaqartoq imaalillugu; pillaneq peerneqassasoq aammalu pinerluttulerinermik inatsisinngorlugu, pinerluttulerinermik eqqartuussinermik iliuusinngorlugu aamma pinerluttulerinermik eqqartuussinermik pineqaatissiissutinngorlugu allanngortinneqassalluni, taasami Kalaallit Nunaanni pillaneq atorneqanngimmat.

Tamatuma saniatigut, siunnersuutigineqartoq § 1, nr. 18-i, Akitsuuserisunut aamma Akileraarutinut Ingerlatsisoqarfimmut (Told og Skatteforvaltningen) innersuussinerusooq, eqqortumillu Akileraarutinut Aqutsisoqarfinngorlugu (Skattestyrelsen-inngorlugu) allanngortittariaqartoq, soorluttaaq aalajangersakkami siunnersuutigineqartumi qallunaat imaluunniit kalaallit ingerlatsinermut inatsisaannut innersuussisoqarnersoq erseqqinnginneranut Naalakkersuisoqarfimmit innersuussisoqarpoq.

Naalackersuisoqarfimmit naggataarutaasumik, peqqussummut missingiummik atsiornissamut ulluliunneqartup allanngortinneqartariaqarnera malugini-aqquneqarpoq.

#### *Oqaaseqaatit*

Siunnersuutigineqartuq § 78 a, imm. 2 malillugu, Finanstilsyn-i, Aningaasaqarnikkut Nunarsuarlu tamakkerlugu Peqquserluttuliortoqarsimatillugu (Søik) Naalagaaffiup Eqqartuussisuuneranit akuersissummik pissarsini-artassaaq. Pillaanermut inatsimmik allanngineq pillugu inatsisikkut nr. 2601, 28. december 2021-meersukkut, eqqartuussisarnermik inatsisikkut, aningaasarsianik malunnarunnaarsaasarneq pillugu inatsisikkut aamma inatsisitigut assigiinngitsutigut allatigut, Aningaasaqarnikkut Nunarsuarlu tamakkerlugu Peqquserluttuliortoqarsimatillugu (Søik) Naalagaaffiup Eqqartuussisuuneranut taarsiutitut, Pinerlunnernut Immikkut Isigisarialinnut Nuna Tamakkerlugu Immikkoortorta q pilersinneqarpoq. Inatsimmi § 3, nr. 3-kkut "Aningaasaqarnikkut Nunarsuarlu tamakkerlugu Peqquserluttuliortoqarsimatillugu (Søik) Naalagaaffiup Eqqartuussisuuneranarunnaarsaasarneq pillugu inatsimmi § 78, imm. 2-mi, "Pinerlunnernut Immikkut Isigisarialinnut Nuna Tamakkerlugu Immikkoortorta"-nngorlugu allanngortinneqarpoq.

Inatsit nr. 2601 ullormi 1. januar 2024-imi atuutilersitsisoqarnissaanik naatsorsuutigineqartumik Kalaallit Nunaannut peqqussusiarineqartussaammat, taamaattumillu peqqussummi matumani Aningaasaqarnikkut Nunarsuarlu tamakkerlugu Peqquserluttuliortoqarsimatillugu (Søik) Naalagaaffiup Eqqartuussisuunerata allanngortinnissaa siunertamut naapertuunngitsaq, Justitsministeriamit ilisimatitsissutigineqarpoq.

Siunnersuutigineqartumi § 1, nr. 7-imi, (§ 29 a, imm. 2-mi) "iliuutsit pillaatissiissutaasinnaasut imaluunniit pillaatissiinermik eqqartuussutinik pineqaatissiissutinik naammassinninnerit" atuarneqarsinnaapput aammalu siunnersuutigineqartumi § 1, nr. 22-mi (§ 78 a, imm. 1-imi) "iliuutsit pillaatissiissutaasinnaasut imaluunniit pillaatissiinermik eqqartuussutinik pineqaatissiissutinik naammassinninnerit" atuarneqarsinnaallutik. Nunanut Allanut, Inuusutissarsionermut Niuernermullu Naalackersuisoqarfimmit eqqaaneqartutut, pillaaneq Kalaallit Nunaanni atorneqanngilaq. Aalajangersakkamik allannguisoqarnissaa isumaqataaffigineqarpoq.

§ 1, nr. 18-imi aamma 19-imi, (§ 69 b-d-mi aamma § 74 a-mi) aalajangersakkat siunnersuutigineqartut, qallunaat aningaasarsianik malunnarunnaarsaasarneq pillugu inatsisaanni, pillaasarneq pillugu inatsimmik allanngineq pillugu inatsisikkut nr. 2601, 28. december 2021-meersukkut, eqqartuussisarneq pillugu inatsisikkut, aningaasarsianik malunnarunnaarsaasarneq pillugu inatsisikkut aamma inatsisitigut assigiinngitsutigut allatigut atorunnaarsinneqarsimapput. Qulaani eqqaaneqartutut, ulloq 1. januar 2024-imi

atuutilersinneqarnissaanik naatsorsuutigalugu, Kalaallit Nunaannut inatsit taanna peqqussusiarineqassaaq. Tamatuminnga tunuliaqutaqarluni, aalajangersakkat peqqussummut missingiummiit peerneqarnissaat pissusissamiso-ortutut isigineqarpoq.

#### *Innersuussineq*

§ 1, nr. 22 naapertorlugu § 78 a, imm. 2-mi oqaaseqatigiilliami "Aningaasaqarnikkut Nunarsuarlu tamakkerlugu Peqquserluttuliortoqarsimatil-lugu (Søik) Naalagaaffiup Eqqartuussisuunera"-mi allannguisoqassanngit-soq innersuussutigineqarpoq.

Taamatutaaq pillaanermik-oqariartaatsit tulliuuttut allanngortinneqarnis-saannut unnersuussutit innersuussutigineqarpoq:

- § 29 a, imm. 2-mi, § 1, nr. 7-imi "iliuutsit pillaatissiissutaasinnaasut imaluunniit pillaatissiinermik eqqartuussutinik pineqaatissiissutinik naammassinninnerit" imaalillugu "iliuutsit, pineqaatissiinermik nassa-taqarsinnaasut imaluunniit pinerluttulerinermik eqqartuussutinik pineqaatissiissutinik naammassinninnerit" allanngortinneqassaaq.
- § 78 a, imm. 1-imi, § 1, nr. 22-mi "akiliisitsinermik annertunerusumik pillaatissiinermik nassataqartussaannngitsumik" imaalillugu "akiliisitsi-nermik allaanerusumik pineqaatissiissutaanissaanik nassataqar-tussaannngitsumik" allanngortinneqassaaq.

§ 1, nr. 18-imut aamma 19-imut tunngatillugu, aalajangersakkat peerneqar-nissat, taamaalillutillu Kalaallit Nunaannut atuutilersinneqannginnissaat, in-nersuussutigineqarpoq.

Kiisalu, atsiuinissamut ulluliussaq, naggataarutaasumik atsiuinissamut ilu-arsineqassasoq innersuussutigineqarpoq.

Transparency International Greenland-imit (TIG-mit), Kalaallit Nunaanni pinerluttulerinermik inatsit naapertorlugu, pillaatissiisoqartarnani kisianni taarsiullugu pineqaatissiisoqartarnera, soorluttaaq allaffissornikkut akiliisitsis-sutinik Kalaallit Nunaanni polititit atuutilersitsisanngitsut, erseqqissaatigi-neqarpoq.

#### *Oqaaseqaatit*

Oqaaseqaatinut unnersuussutitalerlugu aammalu § 29 a-mut aamma § 78 a-mut tunngatillugu qulaani innersuussinermi, pillaanermut unnersuussut al-lanngortittariaqarpoq.

Suliaq eqqartuussisulersuussinertaqanngitsumik aalajangiivigineqarsin-naasoq, Finanstilsyn-imit akiliisitsissummi ersersinneqarsinnaasoq, § 78 a-mi

siunnersuutigineqartumi ersippoq. Tamanna aalajangersagaq siunnersuutigineqartoq, Kalaallit Nunaanni politiit akiliisitsissummik atuutilersitsisinnanerannut maleruagassiuinngilaq.

#### *Innersuussineq*

Qulaani innersuussinermik allassimaneratut pillaanermut-oqariartaatsit allanngortinneqarnissaannut unnersuussineq, innersuussutigineqarpoq.

Bank Nordik-imit, L553-imit (peqqusummik nr. 2627, 28. december 2021-meersumik) Kalaallit Nunaannut atuutilersitsineq pillugu peqqussummik inatsisilerinermi (lovtetik-imi) kukkusooqarsimasoq, aammalu peqqussut nr. 2627 taamaalilluni Kalaallit Nunaannut eqqartuussivitsigut sunniuteqanngitsaq innersuussutigineqarpoq. Tamatuma kingorna, L553-imit Kalaallit Nunaannut peqqussummut ilaasut aalajangersakkat arlallit, L1563-imit peqqussummi ilaanngitsut, aammalu aalajangersakkat tamakku taamaalillutik Kalaallit Nunaannut eqqartuussivitsigut atuuteqanngitsut Bank Nordik-imit unnersuutigineqarpoq.

Piginnittuut pillugit paasissutissanik naapertuutinngitsunik nalunaaruteqartarneq pillugu aningaasarsianik malunnarunnaarsaasarneq pillugu inatsimmi § 15 a-mut atatillugu Bank Nordik-imit innersuussisoqarpoq. Tamatuma saniatigut, § 17, imm. 2-p allanngortinneqarnissaanik Bank Nordik-i innersuussivoq.

Tamatuma saniatigut Bank Nordik-i allappoq, § 49, imm. 7-imi siunnersuutigineqartumi, Finanstilsyn-imut paasissutissanik nalunaaruteqartarnissamut piffissaliussamik aalajangersaasoqartariaqartoq.

#### *Oqaaseqaatit*

Peqqussutikkut nr. 2627, 28. december 2021-meersukut, inatsimmi nr. 553, 7. maj 2019-meersumi § 1 Kalaallit Nunaannut peqqussusiarineqarpoq.

L 553-imi § 1, nr. 24, 28, 36, 37, 49, 93 aamma 94 eqqarsaatigalugit, tamakua atorunnaarsinneqarallaput, inatsisikkullu nr. 1563, 27. december 2019-meersukut atuutilerseqqinneqarlutik. Inatsimmik nr. 553, 7. maj 2019-meersumik aamma inatsimmik nr. 1563, 27. december 2019-meersumik ulloq atuutilersitsiffiusoq tassaavoq 10. januar 2020.

Taamaattumik L 553-imi qulaani eqqaaneqartuni immikkoortuni aalajangersakkat Danmark-imi atuutilinngisaannarput, taamaattumillu Kalaallit Nunaannut peqqussummi nr. 2627, 28. december 2021-meersumi eqqartuussivitsigut atuuteqaratik. Taamaallaat § 1, nr. 24, 28, 36, 37, 49, 93 aamma 94-imut tunngassuteqarput, akerlianik peqqussummi nr. 2627-imi aalajangersakkat allat Kalaallit Nunaanni eqqartuussivitsigut atuullutik.

§ 15 a aamma § 17, imm. 2 Bank Nordik-imit unnersuunneqartut, L 553 § 1, nr. 22 aamma 23-kkut peqqussusiarineqarnikuupput taamaalillutillu Kalaallit Nunaannut atuutereerlutik.

Inatsimmik nr. 1563, 27. december 2019-imeersumik tunngaveqarlutik, L 553 § 1, nr. 24, 28, 36, 37, 49, 93 aamma 94-imik ersitsumik nutaamik aalajangersakkat peqqussusiarineqarput.

§ 49, imm. 7-imut siunnersuutigineqartumut tunngatillugu Finanstilsyn-imut paasisutissanik nalunaaruteqartarnek pillugu maleruagassanik sukumiinerusunik Finanstilsyn-ip aalajangersaasinnaanissaanut periarfissiinissamut aalajangersagaq tunngaviliivoq. Danmark-imi tamanna nalunaarutikkut nr. 552, 2. maj 2022-imeersukkut pivooq. Tamatumani nalunaartarnissamut piffissarititaasut kvartal-ikkuutaarlugit aalajangersagaapput. Tamakkunani aammattaaq nalunaartarnissamut piffissarititaasut aalajangersarneqassallutik nalunaarutit assingusut Kalaallit Nunaannut atuutilersinneqassasut Finanstilsyn-imi naatsorsuutigineqarpoq.

#### *Innersuussineq*

Peqqussummut missingiummi allannguutinik suliaqartoqassanngitsoq, innersuussutigineqarpoq.

Justitsministeriamit allaatigineqarpoq, Aningaasarsianik malunnarunnaarsaasarneq pinerliiniarnernillu aningaasalersuisarneq pinaveersimatinni-arlugit iliuserisassat pillugit Inatsisartut inatsisaat nr. 5, 19. maj 2010-meersumi § 3, imm. 1, nr. 7 malillugu Kalaallit Nunaannut Aningaasarsianik Malunnarunnaarsaasarnermut Allattoqarfik, Danmark-imi, Aningaasarsianik Malunnarunnaarsaasarnermut Allattoqarfimmi inissisimaffeqartoq. Peqqussummut missingiummi § 1, nr. 6-imi siunnersuutigineqartumi § 29-imut allannguummi tamannattaaq ersittariaqartoq, Justitsministeriami isumaqarfigineqarpoq.

Taamatuttaaqq "qallunaat eqqartuussisaasianni tunngaviumik najoqqutasiat"-nut peqqussummut missingiummi § 1, nr. 7-imi, § 29 a, imm. 2-mi unnersuussut, imaalillugu "eqqartuussisaatsimi atuuttumi tunngaviumik najoqqutassiat"-nngortillugu allanngortittariaqartoq Justitsministeriamit allaatigineqarpoq.

Tamatuma saniatigut aalajangersagaq taamaalilluni EU-mi naalagaaffimmut ilaasortamut "allamut" unnersuussutaannginniassammat, tassami Kalaallit Nunaat EU-mut ilaasortaanngimmat, "alla" § 29 a, imm. 4, oqaaseqatigiinniit siullerniit peerneqartariaqartoq, Justitsministeriamit allaatigineqarpoq.

Peqqussummut missingiummi § 1, nr. 10-mi, siunnersuutigineqartunut § 34 a, imm. 2 aamma 3-mut tunngatillugu, qallunaat oqartussaasuisa nittar-

tagaatigut tamanut saqqummiussinermik pisoqartassasoq ersittariaqanngitsoq, kisianni iluaqutaasumik tamanna Erhvervsstyrelsen-inngortillugu allanngortinneqarsinnaasoq Justitsministeriamit allaatigineqarpoq.

Peqqussummut missingiummi § 1, nr. 11-imi, siunnersuutigineqartoq § 35 a, imm. 1-i, § 1, imm. 1, nr. 13-20-mut unnersuussutaasoq, tamannalu allanngortittariaqartoq, tassami § 1, imm. 1, nr. 13, 16, 18 aamma 19-i Kalaallit Nunaannut atuutilersitaanngimmata, Justitsministeriamit allaatigineqarpoq. Tamatumunnga assingusumik § 1, stk. 1, nr. 19-imut unnersuussut, Peqqussummut missingiummi § 1, nr. 17-imi, siunnersuutigineqartoq § 51 b, imm. 1-imit peerneqartariaqarluni.

Peqqussummut missingiummi § 1, nr. 12-imi, siunnersuutigineqartoq § 46 a, imm. 2-mut tunngatillugu, "EU-p avataani najugaqarneq" qanoq paasisari-aqarnersoq, aammalu tamanna aamma Kalaallit Nunaata avataani najugaqarnertut ilaatinneqassanersoq erseqqissaatigineqartariaqartoq, Justitsministeriamit allaatigineqarpoq.

Tamatuma saniatigut peqqussummut missingiummi § 1, nr. 18-imi aamma 19-imi, siunnersuutigineqartoq § 69 b-miit d-mut, aamma § 74 a, Justitsministeriamit ulloq 1. Januar 2024 atuutilersinneqarnissaanut naatsorsuutigineqartumik peqqussusiarineqartussakkut, pillaasarnermik allanngineq pillugu inatsisikkut nr. 2601, 28. december 2021-meersukkut, eqqartuussisarnermi inatsisikkut, aningaasarsianik malunnarunnaarsaasarneq pillugu inatsisikkut aamma inatsisitigut assigiinngitsutigut allatigut tamakku aalajangersakkat, atorunnaarsinneqarnissaannut unnersuussutitalerlugu, peerneqartariaqartut Kalaallit Nunaannullu atuutilersinneqaratik, Justitsministeriamit allaatigineqarpoq.

Peqqussummut missingiummi § 1, nr. 22-mi, § 78 a, imm. 1-imi, § 26, stk. 6, oqaaseqatigiinni siullernut unnersuussuteqartariaqannginnersoq pillugu Justitsministeriamit paaserusunneqarpoq, aamma § 78 a, imm. 2-mut atatil-lugu, pisuni allaffissornikkut akiliisitsissummik atuutilersitsinissamut tunngavissaqanngitsuni, politiinut unnerluussineq Kalaallit Nunaanni politiinut pi-sassasoq, Justitsministeriamit oqaatigineqarpoq. Aammattaaq § 78 a, imm. 2-mi "Aningaasaqarnikkut Nunarsuarlu tamakkerlugu Peqquserluttu-liortoqarsimatillugu (Søik) Naalagaaffiup Eqqartuussisuunera" imaalillugu "Pinerlunnernut Immikkut Isigisarialinnut Nuna Tamakkerlugu Immikkoortorta"-nngorlugu allanngortinneqartariaqartoq, Justitsministeriamit allaatigineqarpoq.

Kiisalu, § 29-imi aamma § 29 a-mi, "Aningaasarsianik malunnarunnaarsaasarneq pillugu allattoqarfik", "Kalaallit Nunaanni Aningaasarsianik malunnarunnaarsaasarneq pillugu allattoqarfik" imaluunniit "Kalaallit Nunaata

Aningaasarsianik malunnarunnaarsaasarneq pillugu allattoqarfia”, imaalil-lugu ”Kalaallit Nunaannut Aningaasarsianik malunnarunnaarsaasarneq pil-lugu allattoqarfik”-nngorlugu allannngortinneqassasoq, Justitsministeriamit siunnersuutigineqarpoq.

*Oqaaseqaatit*

”Kalaallit Nunaannut aningaasarsianik malunnarunnaarsaasarneq pillugu al-lattoqarfik”-mut allannguineq pillugu § 29, § 29 a-mut allannguutit siun-nersuutigineqartut, isumaqatigineqarput. Taamatuttaaq peqqussummut mis-singiummi § 1, nr. 12-imi, siunnersuutigineqartumi § 46 a, imm. 7-imi ”Anin-gaasarsianik malunnarunnaarsaasarneq pillugu allattoqarfik”, ”Kalaallit Nu-naannut Aningaasarsianik malunnarunnaarsaasarneq pillugu allattoqarfik”-nngorlugu allannngortinneqartariaqartoq, eqqaaneqarpoq.

Aammattaaq § 1, imm. 1, nr. 13, 16, 18 aamma 19-imut unnersuussutit, § 35 a, imm. 1-imit peerneqassasut, aamma § 1, imm. 1, nr. 19-imut unnersuussut, § 51 b, imm. 1-imiit peerneqassasoq, isumaqatigineqarpoq.

FN-ip pineqaatissiiffigisaasa allattorsimaffiani allassimasut inuit, inatsisitigut akisussaasuusut, eqimattat imaluunniit immikkoortortat aqqinik, tamanut saqqummiussisarnissamik akisussaaffeqartunik oqartussaasunik, Erhvervs-minister-i toqqaasinnaasoq, § 34 a, imm. 1-imi siunnersuutigineqartumi ersip-poq. Imm. 2-mi aamma 3-mi, ”qallunaani oqartussaasut nittartagaat”-niit ”Er-hvervsstyrelsen”-imut allannguinnissamik Justitsministeriamit siunnersuutigi-neqartumi, aalajangersakkami imm. 1-imi Erhvervsminister-imut aallartitat, taamaattuusaartitatut pissuseqalersinneqarput. ”Qallunaani oqartussaasut nittartagaat” ersitsinneqartariaqanngitsaq isumaqataaffigineqarpoq.

Peqqussummut missingiummi § 1, nr. 12-imi, siunnersuutigineqartumi § 46 a, imm. 2-mi ”EU-p avataani najugaqarneq” oqaaseqatigiiliareqqinneqartari-aqartoq, taamaalilluni aalajangersagaq aammattaaq Kalaallit Nunaata avataani najugaqarnermut unnersuussilersillugu, isumaqatigineqarpoq.

Qulaani oqaaseqaatinut aamma innersuussinernut unnersuussutigalugu, peqqussummut missingiummi § 1, nr. 18-i aamma 19-i, siunnersuutigi-neqartumi § 69 b, aamma § 74 a peerneqassasut isumaqatigineqarpoq.

§ 78 a-mik allannguinnissamik Justitsministeriamit siunnersuummut tunnga-tillugu tulluuttut oqaaseqaatigineqarput:

Kalaallit Nunaannut atuutilersinneqartoq § 26, imm. 6-i malillugu, Kalaallit Nu-naannut aningaasarsianik malunnarunnaarsaasarneq pillugu allattoqarfim-mut nalunaaruteqartarnissamik periaatsitigut naammassinninneq pillugu ma-leruagassanik sukumiinerusunik Finanstilsyn-i aalajangersaasinnaavoq. § 78 a, imm. 1-imi, § 26, imm. 6, oqaaseqatigiinnut siullernut unnersuussinissamik



Justitsministeriamit kissaataasoq, qanoq suliffeqarfiup aningaasanik nuusinnitsoornissaanik maleruagassiuusumut, qallunaat aningaasarsianik malunnarunnaarsaasarneq pillugu inatsisaanni § 26, imm. 6, oqaaseqatigiinut siullernut tunngarpassippoq. Tamanna aalajangersagaq suli Kalaallit Nunaannut atuutilersinneqanngilaq. Tamatuminnga atuutilersitsineq, aammalu § 78 a, imm. 2-mi aalajangersakkamut unnersuussineq, Justitsministeriap nammineq inatsimmik nr. 2601, 28. december 2021-meersumik peqqussusiarinninneratigut pissaaq. Taamatuttaaq, § 78 a, imm. 2-mi "Aningaasaqarnikkut Nunarsuarlu tamakkerlugu Peqquserluttuliortoqarsimatillugu (Søik) Naalagaaffiup Eqqartuussisuunera"-niit "Pinerlunnernut Immikkut Isigisarialinnut Nuna Tamakkerlugu Immikkoortortaq"-mut allannguineq aammattaaq Justitsministeriap nammineq inatsimmik nr. 2601, 28. december 2021-meersumik peqqussusiarinninneratigut pissasoq oqaatigineqassaaq. Kiisalu taanna siunnersuutigineqartoq § 78, imm. 2, allaffissornikkut akiliisitsissummut tunngatillugu, aammalu politiiunut unnerluutiginninnermik maleruagassiuinerunani, aningaasaqarnikkut Nunarsuarlu tamakkerlugu Peqquserluttuliortoqarsimatillugu (Søik) Naalagaaffiup Eqqartuussisuunera-nit isumaqatigiissumik pissarsisarnissamut tunngassuteqarmat, oqaatigineqassaaq.

#### *Innersuussineq*

Peqqussummut missingiummi § 1, nr. 6-imi, § 29, imm. 1, oqaaseqatigiit siulliit imaalillugit "Aningaasalersuineramik paasiniaasartoqatigiit tassaapput Kalaallit Nunaannut Aningaasarsianik malunnarunnaarsaasarneq pillugu Allattoqarfik, Danmark-imi Aningaasarsianik malunnarunnaarsaasarneq pillugu Allattoqarfimmi inissisimaffeqartoq"-mut allanngortinneqassasut innersuussutigineqarpoq.

"Aningaasarsianik Malunnarunnaarsaasarneq pillugu Allattoqarfik", "Kalaallit Nunaanni Aningaasarsianik Malunnarunnaarsaasarneq pillugu Allattoqarfik" aamma "Kalaallit Nunaata Aningaasarsianik Malunnarunnaarsaasarneq pillugu Allattoqarfia", § 29, imm. 4, oqaaseqatigiit aappaanni aamma imm. 5-imi aamma § 29 a, imm. 1, 2 aamma 4-mi, aamma § 46 a, imm. 7-imi "Kalaallit Nunaannut Aningaasarsianik Malunnarunnaarsaasarneq pillugu Allattoqarfik"-nngorlugu allanngortinneqassasoq, innersuussutigineqarpoq.

Peqqussummut missingiummi § 1, imm. 7-imi, § 29 a, imm. 2, "qallunaat eqqartuussisaasianni tunngaviusumik najoqqutassiat" imaalillugu "eqqartuussisaatsimi atuuttumi tunngaviusumik najoqqutassiat"-nngorlugu allanngortinneqassasoq innersuussutigineqarpoq.

§ 29, imm. 4, oqaaseqatigiit siulliit, imaalillugit "allattoqarfiup EU-mi naalagaaffimmi ilaasortaasup aningaasalersuineramik paasiniaasartoqatigiiviniit allattoqarfiup tigusaminik, paasisutissanik atuinerlut killilersuutaasunik

aamma piumasaqaataasunik aalajangersagaasinnaasunik, Kalaallit Nunaanut Aningaasarsianik Malunnarunnaarsaasarneq pillugu Allattoqarfik eqqortitsissaaq"-nngorlugit allanngortinneqassasut innersuussutigineqarpoq.

§ 34 a, imm. 2-mi aamma 3-mi "qallunaat oqartussaasuisa nittartagaat" imaalillugu "oqartussaasut nittartagaat"-nngorlugit allanngortinneqassasut innersuussutigineqarpoq.

Peqqussummut missingiummi § 1, nr. 11-imi, siunnersuutigineqartoq § 35 a, imm. 1-i, imaalillugu "aningaasaliinermut fond-it qinigassat allat eqqarsaatigalugit, § 1, imm. 1, nr. 5, 8 aamma 11-mut ilaatinneqartoq suliffeqarfik imaluunniit inuit, aamma nr. 14, 15, 17 og 20, aamma sulisuusoq imaluunniit sulisuusimasoq, nipangersimasussaataaernerik immikkut isumaqatigiisummik isumaqatigiissusiorpata, sulisuusoq imaluunniit sulisuusimasoq, inatsimmik matuminnga imaluunniit tamanna malillugu atuutilersinneqarsimasunik maleruagassanik unioqutitsinernik imaluunniit unioqutitsisinnanernik, pisortani oqartussaasunut, paasissutissanik nalunaaruteqarsinnaanissamut akornnguserneqassanngitsoq isumaqatigiisummi ersissaaq", allanngortinneqassasut innersuussutigineqarpoq.

Peqqussummut missingiummi § 1, nr. 12-imi, siunnersuutigineqartoq § 46 a, imm. 2, imaalillugu "Trust-imik ingerlatsisuusoq imaluunniit inuk, inatsisitigut aaqqissuussami assingusumi atorfirmik assingusumik isumaginnittuusoq, Kalaallit Nunaata aamma EU-p avataani inissisimaffeqaruni imaluunniit najugaqaruni, ingerlatsisuusoq imaluunniit inuk assingusumik atorfirmik isumaginnittuusoq, trust-imik ingerlatsisuusoq imaluunniit inuk, inatsisitigut aaqqissuussami assingusumi atorfirmik assingusumik isumaginnittuusoq

1) trust-ip imaluunniit inatsisitigut aaqqissuussap assingusup aqqani § 2, nr. 3 naapertorlugit niueqatitaaruni imaluunniit

2) trust-ip imaluunniit inatsisitigut aaqqissuussap assingusup aqqani illuutinik (nunaminertanik) pisiaqaruni,

trust-imik imaluunniit inatsisitigut aaqqissuussami assingusumi piginnittuut pillugit paasissutissanik, ilaatillugit piginnittuut pisinnaatitaaffii pillugit paasissutissanik, pissarsiussaaq aamma toqqorsimatitsissaaq."-nngorlugit allanngortinneqassasut innersuussutigineqarpoq.

Peqqussummut missingiummi § 1, nr. 17-imi, siunnersuutigineqartoq § 51, imm. 1, oqaaseqatigiit siullit imaalillugu, "Suliffeqarfik imaluunniit inuk, inatsimmi matumani aalajangersakkamik imaluunniit tamanna malillugu atuutilersinneqarsimasunik maleruagassanik ilungersunartumik unioqutitsisimasoq paasineqarpat, sullittakkanik/pisisartunik nutaanik pisesarseqqusaanngikkallassasoq, § 1, imm. 1, nr. 1-8, 10, 11, 23 aamma 24-mut ilaatinneqartoq suliffeqarfik imaluunniit inuk Finanstilsyn-imit peqqusiffigineqarsinnaavoq."-nngorlugit allanngortinneqassasut innersuussutigineqarpoq.

Peqqussummut missingiummi § 1, nr. 18-imi aamma 19-imi, siunnersuutigineqartoq § 69 b-miit d-mut, aamma § 74 a peerneqassasoq Kalaallit Nunaannullu atuutilersinneqassanngitsoq innersuussutigineqarpoq.

Peqqussummut missingiummi § 1, nr. 22-mi, § 78 a-mi allannguutit Justitsministeeriamit siunnersuutigineqartut suliarineqassanngitsut innersuussutigineqarpoq.